



Jadual Pembacaan Khutbah Jumaat

Siri 1/ 2024 (Januari Tahun 2024)

تاریخ	تاجوق	ب
5 Januari 2024M/ 23 Jamadil Akhir 1445H	Menginsafi Fitrah Penuaan	1.
12 Januari 2024M/ 30 Jamadil Akhir 1445H	Impian Yang Tidak Kesampaian	2.
19 Januari 2024M/ 7 Rejab 1445H	Pemberian Yang Dikhianati	3.
26 Januari 2024M/ 14 Rejab 1445H	Derma Organ: Erti Sebuah Kehidupan	4.
خطبه كدوا		

Dibiayai oleh:



Zakat Pulau Pinang

Diterbitkan oleh:



Jabatan Hal Ehwal Agama
Islam Pulau Pinang



Derma Organ: Erti Sebuah Kehidupan

26 Januari 2024M/ 14 Rejab 1445H

الْحَمْدُ لِلَّهِ الْمَعْبُودِ الَّذِي يُعِينُ مَنْ عِبَادِهِ مَنْ أَعَانَ، وَيَشْمَلُ بِرَحْمَتِهِ أَهْلَ
الْبِرِّ وَالْإِحْسَانِ،

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، حَثْنَا عَلَى التَّعَاوُنِ وَالْعَطَاءِ
وَالسَّخَاءِ، وَأَشْهَدُ أَنَّ سَيِّدَنَا وَنَبِيَّنَا مُحَمَّدًا عَبْدُ اللَّهِ وَرَسُولُهُ خَيْرُ مَنْ تَوَكَّلَ
عَلَى رَبِّهِ فَكَفَى.

صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ، وَالتَّابِعِينَ
لَهُمْ بِإِحْسَانٍ إِلَى يَوْمِ الدِّينِ.

أَمَّا بَعْدُ؛ فَيَا أَيُّهَا النَّاسُ، اتَّقُوا اللَّهَ تَعَالَى حَقَّ التَّقْوَى، فِي الْعَلَانِيَةِ وَالنَّجْوَى.

PARA TETAMU JUMAAT YANG DIKASIHI SEKALIAN,

Saya berpesan kepada diri saya dan menyeru kepada sidang Jumaat yang dikasihi sekalian, marilah sama-sama kita bertakwa kepada Allah dengan sebenar-benar takwa serta melaksanakan segala perintah-Nya dan menjauhi segala larangan-Nya. Mudah-mudahan kehidupan kita diberkati di dunia dan di akhirat.

Selain itu, khatib juga ingin mengingatkan sidang hadirin sekalian, agar



memberi fokus dan mendengar dengan bersungguh-sungguh khutbah Jumaat ini. Janganlah leka bermain gajet, tidur dengan sengaja atau berbual-bual kerana perbuatan-perbuatan tersebut bertentangan dengan adab mendengar khutbah. Marilah kita bersama-sama menghayati khutbah Jumaat yang akan membicarakan tajuk **“Derma Organ: Erti Sebuah Kehidupan.”**

MUSLIMIN RAHIMAKUMULLAH,

Tidak ada istilah putus asa di dalam Islam. Sebagai makhluk yang diamanahkan oleh Allah **سُبْحَانَهُ وَتَعَالَى** untuk mengimarahkan muka bumi, manusia seharusnya memanfaatkan akal fikiran yang dianugerahkan oleh Allah bagi menyelesaikan sebarang masalah dan cabaran yang dihadapi. Ini termasuklah soal merawat penyakit.

Usaha merawat penyakit ini bertepatan dengan sebuah hadis yang diriwayatkan daripada Usamah Ibn Sharik (أُسَامَةُ بْنُ شَرِيكٍ), beliau berkata, sekumpulan orang Badwi (بَدْوِيٌّ) bertanya: “Ya Rasulullah, bolehkah kami mendapatkan rawatan?” Baginda menjawab: “Ya Boleh, wahai hamba-hamba Allah, dapatkanlah rawatan kerana sesungguhnya Allah tidak menurunkan sesuatu penyakit melainkan (Dia) menentukan pula untuknya penyembuhan atau ubat kecuali satu penyakit iaitu tua.”

﴿Hadis Riwayat At-Tirmizi﴾

HADIRIN JUMAAT YANG DIRAHMATI ALLAH,



Bidang perubatan hari ini semakin maju apabila pemindahan organ menjadi suatu realiti. Kes kegagalan organ yang dahulunya membawa maut kini dapat dirawat dengan kaedah transplantasi atau pemindahan organ. Begitu juga di dalam kitab fiqh ulama' salaf dan imam-imam mazhab, ada dibincangkan hukum berkaitan pemindahan organ kerana mereka berpandangan teknologi ini bakal menjadi kenyataan.

Kaedah fiqh Islam inilah yang menjadi asas kepada keharusan pendermaan organ. Malangnya dalam kalangan umat Islam, derma organ menjadi terlalu asing berpunca dari banyaknya salah faham, adanya perasaan takut malah munculnya penolakkan oleh sebilangan masyarakat.

MUSLIMIN YANG DIRAHMATI ALLAH,

Statistik terkini perdermaan dan pemindahan organ di Malaysia dari Pusat Sumber Transplan Nasional, Kuala Lumpur menunjukkan, hanya terdapat 836 penderma organ (kadaverik) atau selepas kematian sejak 1976 sehingga Jun 2023. Daripada angka berkenaan hanya 111 orang penderma organ iaitu bersamaan 13% sahaja yang beragama Islam. Jumlah ini adalah terlalu kecil jika dibandingkan dengan jumlah pesakit kegagalan organ tahap akhir di negara ini.

Berdasarkan jumlah terkini, terdapat 10,893 orang pesakit yang berada dalam senarai menunggu untuk mendapatkan organ di Malaysia dan 10,863 orang pesakit iaitu 99 peratus dari jumlah senarai berkenaan, sedang menunggu untuk mendapatkan buah pinggang baharu.

MUSLIMIN YANG DIRAHMATI ALLAH,



Pemindahan organ adalah penggantian organ yang berpenyakit dan rosak dengan organ atau tisu yang sihat dari penderma. Ia adalah rawatan paling efektif dalam kes kegagalan organ tahap akhir yang tiada alternatif rawatan lagi. Terdapat banyak bukti dalam bidang perubatan menunjukkan pemindahan organ yang telah dilaksanakan sehingga mencapai 95 peratus kadar kejayaan.

Sesungguhnya organ yang didermakan memberi manfaat besar kepada ramai insan dari sudut menyelamatkan nyawa dan meningkatkan kualiti hidup pesakit. Di sisi Islam, penderma organ adalah dianggap membuat kebajikan yang besar sebagaimana firman Allah dalam surah al-Maidah ayat 32:

... وَمَنْ أَحْيَاهَا فَكَأَنَّمَا أَحْيَا النَّاسَ جَمِيعًا ... ﴿٣٢﴾

Maksudnya: "...dan sesiapa yang menghidupkan (memelihara kehidupan) seorang manusia, maka seolah-olahnya dia telah memelihara kehidupan seluruh manusia."

SIDANG JUMAAT YANG DIRAHMATI ALLAH,

Dari perspektif Islam, transplantasi dan derma organ telah dibenarkan oleh ulama' melalui Majlis Fatwa Kebangsaan dan Jawatankuasa Fatwa Negeri-negeri seawal tahun 1970 lagi. Begitu juga keputusan yang dikeluarkan oleh institusi antarabangsa seperti *Majma' Fiqh Islami* (مَجْمَعُ فِقْهِ إِسْلَامِي). Justeru tiada lagi keraguan di sisi muslim meneruskan niat bagi

menderma organ. Pemindahan organ dibenarkan syarak atas alasan “menjaga nyawa” iaitu salah satu daripada *Maqasid Syariah* yang lima.

Melalui pendermaan organ ini, pesakit akan mendapat peluang kedua untuk menjalani kehidupan sebagai hamba Allah dengan lebih baik di dunia ini. Sedangkan dahulunya mereka yang menjalani rawatan dialisis mengalami kesukaran untuk mengerjakan ibadah.

SIDANG JUMAAT YANG DIRAHMATI ALLAH,

Ramai pesakit mengalami masalah kewangan berikutan kos rawatan yang begitu tinggi.

Sebagai contoh kos bagi setiap sesi dialisis adalah RM300.00 dan ia perlu dilakukan sebanyak tiga kali setiap minggu seumur hidup. Ini bermaksud setiap minggu sebanyak RM900.00 diperlukan manakala jika dihitungkan secara bulanan pula, kos adalah sebanyak RM3,600.00. Jumlah ini tidak termasuk kos pengangkutan, ubat-ubatan, makan minum dan sebagainya semasa rawatan.

MUSLIMIN YANG DIRAHMATI ALLAH,

Oleh yang demikian, Kementerian Kesihatan Malaysia menyeru orang ramai untuk tampil ke hadapan menjadi penderma organ terutama kepada mereka yang mempunyai ahli keluarga yang sedang mengalami kegagalan organ tahap akhir. Tiada proses pemindahan organ boleh dilaksanakan jika tiada penderma organ.

Dalam arus perdana dunia tanpa sempadan, pelbagai informasi berkaitan pendermaan organ yang tepat boleh diperolehi dengan mudah iaitu melalui laman sesawang www.dermaorgan.gov.my manakala proses pendaftaran sebagai pengikrar derma organ juga kini boleh dibuat menerusi aplikasi *My Sejahtera*.

HADIRIN JUMAAT YANG DIRAHMATI ALLAH,

Mengakhiri khutbah hari ini, marilah kita sama-sama menghayati beberapa pengajaran daripada khutbah ini:

Pertama: Kita hendaklah yakin bahawa Islam adalah agama yang bersifat dinamik dalam perkara-perkara tertentu demi kepentingan ummah khususnya dalam isu pendermaan organ.

Kedua: Para penerima akan mendapat manfaat yang besar dalam meneruskan kehidupan seharian.

Ketiga: Para penderma organ akan menerima ganjaran yang besar di sisi Allah di dunia dan di akhirat.

Keempat: Berusahalah menjaga kesihatan dan melazimi doa seperti yang diajar oleh Nabi ﷺ:

اللَّهُمَّ عَافِنِي فِي بَدَنِي، اللَّهُمَّ عَافِنِي فِي سَمْعِي، اللَّهُمَّ عَافِنِي فِي بَصَرِي

Maksudnya: “Ya Allah, berilah kesihatan untukku pada badanku. Ya Allah, berilah kesihatan untukku pada pendengaranku. Ya Allah, berilah kesihatan untukku pada penglihatanku.”

Firman Allah dalam Surah al-Maidah ayat 2:

... وَتَعَاوَنُوا عَلَى الْبِرِّ وَالتَّقْوَىٰ وَلَا تَعَاوَنُوا عَلَى الْإِثْمِ وَالْعُدْوَانِ وَاتَّقُوا اللَّهَ إِنَّ اللَّهَ شَدِيدُ

الْعِقَابِ ﴿٢﴾

Maksudnya: “Dan hendaklah kamu tolong-menolong untuk membuat kebajikan dan bertakwa, dan janganlah kamu bertolong-bertolongan pada melakukan dosa (maksiat) dan pencerobohan. Dan bertakwalah kepada Allah, kerana sesungguhnya Allah Maha berat azab siksanya.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهَدْيِ سَيِّدِ الْمُرْسَلِينَ، أَقُولُ
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.



Khutbah Kedua Bulan Januari

2024M/ 1445H

الْحَمْدُ لِلَّهِ عَلَى أَلَايِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ اْعَلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]
اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

SIDANG JEMAAH YANG DIRAHMATI ALLAH,



Khatib ingin mengambil kesempatan ini untuk menyeru para jemaah sekalian agar terus memberikan sokongan padu tanpa berbelah-bagi kepada penduduk Palestin yang sedang dizalimi oleh Regim Zionis melalui serangan tanpa henti di Gaza dan Tebing Barat.

Kita mungkin tidak mampu mengangkat senjata, tetapi kita masih mempunyai kekuatan daripada aspek kewangan. Infakkanlah sebahagian rezeki untuk membantu mereka yang ketika ini berada dalam keadaan yang amat menyedihkan serta menjalani kehidupan yang sukar. Selain itu, gunakanlah senjata paling ampuh yakni DOA. Semoga Allah **سُبْحَانَهُ وَتَعَالَى** menganugerahkan kejayaan, keselamatan dan kesejahteraan buat seluruh umat Islam serta rakyat Palestin khususnya. Semoga bumi Palestin kembali aman dan makmur di bawah rahmat Allah **سُبْحَانَهُ وَتَعَالَى**.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ أَعِزِّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَانْصُرْ مَنْ نَصَرَ الدِّينَ،
وَاخْذُلْ مَنْ خَذَلَ الْمُسْلِمِينَ، وَأَعْلِلْ كَلِمَتَكَ إِلَى يَوْمِ الدِّينِ.
اللَّهُمَّ انْصُرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ
مَكَانٍ، اللَّهُمَّ ثَبِّتْ إِيْمَانَهُمْ وَأَنْزِلِ السَّكِينَةَ فِي قُلُوبِهِمْ وَوَحِّدْ صُفُوفَهُمْ.
اللَّهُمَّ إِنَّا نَعُوذُ بِكَ مِنَ الْبَرَصِ، وَالْجُنُونِ، وَالْجَذَامِ، وَمِنْ سَيِّئِ الْأَسْقَامِ.

اللَّهُمَّ وَفَّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Al-Sultan Abdullah Ri'ayatuddin Al-Mustafa Billah Shah Ibni
Almarhum Sultan Haji Ahmad Shah Al-Musta'in Billah dan Kebawah Duli
Yang Maha Mulia Seri Paduka Baginda Raja Permaisuri Agong, Tunku
Azizah Aminah Maimunah Iskandariah Binti Almarhum Al-Mutawakkil
Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul
Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً
يَا رَبَّ الْعَالَمِينَ.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايِ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٥١﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ
عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٥٢﴾

